

Sérreglur Ísafjarðarbæjar vegna byggðakvóta fiskveiðiársins 2015/2016.

Ákvæði reglugerðar nr. 605 frá 3. júlí 2015 gilda um úthlutun byggðakvóta Ísafjarðar, Hnífsdals, Þingeyrar, Flateyrar og Suðureyrar með eftirfarandi viðauka/breytingum:

a) Ákvæði a-liðar 1. gr. breytist og verður:

Hafa leyfi til veiða í atvinnuskyni, sbr. 4. gr. laga nr. 116/2006, um stjórn fiskveiða, með síðari breytingum, *eða frístundaveiðileyfi skv. 2. tl. 4. mgr. 6. gr. sömu laga*, við lok umsóknarfrests.

b) Ákvæði c-liðar 1. gr. breytist og verður:

Eru í eigu eða leigu einstaklinga eða lögaðila með heimilisfang í sveitarféluginu 1. júlí 2015.

c) Ákvæði 1. másl. 1. mgr. og 2. mgr. 4. gr. reglugerðarinnar breytist og verður:

Skipting þess aflamarks, sem nú kemur í hlut byggðarlags, auk þess aflamarks byggðarlagsins sem kann að vera eftir af úthlutun fyrra fiskveiðiárs, skal að öðru leyti fara fram til einstakra fiskiskipa sem uppfylla skilyrði 1. gr., sbr. og reglur um sérstök skilyrði fyrir úthlutun byggðakvóta í einstökum sveitarfélögum sem ráðuneytið staðfestir samkvæmt 2.-3. gr., eftir því sem við á, og skal fyrst úthluta bátum með frístundaleyfi, sbr. a) lið, 1 þorskígildistönn á bát, 30% af því sem eftir stendur skal skipt jafnt milli annarra skipa, þó ekki meir í þorskígildum talið en viðkomandi bátur landaði í þorskígildum talið á fiskveiðiárinu 2014/2015, afganginum skal skipt hlutfallslega, miðað við allan landaðan botnfiskafla í tegundum sem hafa þorskígildisstuðla, í þorskígildum talið, sem landað var innan sveitarfélagsins á tímabilinu 1. september 2014 til 31. ágúst 2015. Aflí af fiskiskipum sem landað er í sveitarféluginu af bátum sem ekki eru skráðir innan sveitarfélagsins á sama tíma, telst ekki til landaðs afla samkvæmt 1. mgr.

Í þessum texta eru sérreglur Ísafjarðarbæjar eins og bæjarráð gerði tillögu um og bæjarstjórn samþykkti. Skáletrað er þar sem textinn víkur frá reglugerð sjávarútvegs- og landbúnaðaráðherra. Undirstrikuð er breyting frá sérreglum Ísafjarðarbæjar eins og þær voru fyrir síðasta fiskveiðiár, en þá var 2 tonnum úthlutað á báta með frístundaleyfi.

Einn liður úr sérreglum Ísafjarðarbæjar á síðasta fiskveiðiári, d-liður, fellur alveg niður, hann var svohljóðandi:

d) Ákvæði 1. másl. 1. mgr. 6. gr. breytist og verður:

Fiskiskipum er skylt að landa, þeim afla sem telja á til byggðakvóta, til vinnslu *innan sveitarfélagsins*, á tímabilinu frá 1. september 2014 til 31. ágúst 2015.